

6. HIRI-ERALDAKETA JASANGARRIA

Aurrera, batera!
Bilbao
Mira al futuro

Bilbo da, zalantzarik gabe, hiri postindustrial bat zerbitzu-hiri modernoa bihurtzeko hiri-eraldaketaren eredurik onenetakoa, eta halaxe aitortu dute behin eta berriz nazioartean. Baina Bilboko hiri-eraldaketak aurrera jarraitu behar du, hiri jasangarriagoa eta orekatuagoa lortzeko.

Lau urte hauetan Hiri Antolamenduko Plan Nagusi berria onartu dugu, datozen 20 urteetan hiriaren garapena gidatuko duen ibilbide-orria. Eta herritarren parte-hartze prozesu zabal baten bitartez egin dugu, ia 4.000 bilbotarren inplikazioari esker. Bilbao Intermodal geltokia martxan jarri dugu, bultzada handia eman diogu auzoetako irisgarritasunari hiri osoan beste 42 igogailu eraikiz, eta Abiadura Handiko Trena Bilbora lurrazpitik iristeko soluzioa garatzeko protokoloa sinatzea lortu dugu.

Aurrerantzean, ilusioz beteriko 4 urte ditugu hiri-eraldaketaren arloan. Jasangarritasunaren erronka handia ardatz, energia berriztagarriak, energia-eraginkortasuna eta hiri-hondakinen murrizketa, berrerabilpena eta birziklapena bultzatuko ditugu. Zorrotzaurre garatzeko, Artxanda eta itsasadarra biziberritzeko eta hiria AHTaren iritsierarako prestatzeko aukerak barne, trenbidea Zorrotzan lurperatzeko proiektua eta Abandoko geltokiarena hiri-proiektu handiak bihurtuz. Eta gure auzoen eraldaketari arreta berezia emanez.

6.1 – HIRI-ESPARRUAN GAUZATU BEHARREKO ESKU-HARTZE NAGUSIAK

HELBURUA: Hirian egin beharreko etorkizuneko hirigintza-erlaldaketen oinarriak finkatzea, behar bereziak dituzten auzoetan nahiz hiriko aukera-esparruetan hiri-birgaikuntzari eta berritze-prozesuari jarraipena emanez.

NEURRIAK

1. Zorrotzaurreko UE1 egikaritze-unitateko urbanizazioak amaitu eta AI2 jarduketa integratua urbanizatzen hasia.
2. Abandoko geltoki berriaren esparruaren definizioa: eraikuntza-proiektua eta Master Plana.
3. Peñascaleko Plan Bereziaren behin-betiko onartu eta lehen faseari hasiera ematea Peñascal auzoaren erabateko berrikuntza garatzeko, irisgarritasunaren arloko arazoak konponduz eta auzoko bizi-kalitatea hobetuz, Eusko Jaurlaritzarekiko lankidetzaren bitartez ahalbidetuko diren ostatu-emateen laguntzaz.
4. Zorrotzako Muturreko Hirigintza-Antolamendua onartzea, Zorrotza auzoaren bizitegi-garapena itsasadarrerantz luzatzeko, jarduera ekonomikoetarako eta ekipamendu berrietarako espazio berriak sortuz.
5. Itsasadarraren bi aldeak lotzeko zubi berrien definizioa: tranbiaren zubia, oinezko eta bizikleten zubia Olabeagatik Zorrotzaurreraino, eta oinezko eta bizikleten zubia Sarrikotik Zorrotzaurreraino.
6. Maria Diaz Haroko eta Rodríguez Arias kaleak urbanizatzeko lanekin jarraitzea.
7. Arte Ederren Museoa eta Euskal Museoa handitzeko lanak gauzatzea.
8. Pabellón 6 eta Garabia proiektuak gauzatzea Zorrotzaurren.
9. Artxanda Dinamizatzeko Plana idaztea herritarren aisialdia eta gozamena sustatzeko, hiriaren erreferentziazko natur-eremuaren izaera indartuz.
10. Itsasadarreko Erabileren Plana idaztea, horren inguruko aisia, kirol eta kultura arloetako jarduerak antolatu eta sustatzeko.
11. Ondarearen Plan Berezia idaztea, Bilbon dauden eraikin, eraikuntza-multzo eta elementu berezien (garabiak, labeak, eskulturak...) babesa arautzeko.

12. Zorrotzako Muturreko pasealekua handitzea.
13. FEVE Zorrotzan lurperatzeko proiektua kofinantzatzea.
14. Paisaia-proiektua gauzatzea Begoñako hilerri zaharrean.
15. Autonomia kalea eraberritzeko proiektua zehaztea.
16. "Auzo-Bihotzen" garapenarekin jarraitzea, Barrutietako Kontseiluetan horien definizioa eta diseinua adostuz eta horietarako irisgarritasuna hobetuz.
17. Erakunde eskudunekin lankidetzan jardutea Metroaren 4. linea garatzeko.
18. Bizkaiko Foru Aldundiarekin lankidetzan jardutea, Errekaldeko Saihesbidea desagerrarazteko behar diren neurriak bultzatuz.
19. "Auzokide Plana 2023-2027" planaren bidez auzoak etengabe hobetzearen aldeko apustuarekin aurrera jarraitzea. Honek 48 milioi euroko inbertsioa ekarriko du, gutxienez, herritarrek eta Bilboko eragile politiko eta sozialek Hiriko Barrutietako Kontseiluen bitartez lehenetsitako hobekuntza-lanak eta jarduketak gauzatzeko.

6.2 - ESPAZIO PUBLIKOA

HELBURUA: Espazio publikoa egokitu eta horren erabilera hobea sustatzea, bertan hiriaren intereseko izaera sozial, kultural eta komertzialeko jarderak eta ekitaldiak garatuz. Ekitaldi hauek behar bezalako oreka lortu beharko dute bizikidetzaren errazteko eta auzoak dinamizatzen laguntzeko.

NEURRIAK

1. Auzoetako jarduerak egiteko erabiltzen diren plazak eta espazio publikoak horien garapena errazteko behar diren azpiegituz hornitzen jarraitzea (argi-arguneak, ur-harguneak,...).
2. Ekitaldiak eta jarduerak modu orekatuan baimentzea datei eta kokapenei dagokienez, horien garapena inguruko auzokideen atsedenarekin bateragarria izan dadin.
3. Auzoetako kaleak egokitzen jarraitzea horien merkataritza eta ostalaritza erabilerak egonlekuen eta oinezkoentzako ibilbide eroso eta irisgarrien behararekin bateragarriak egiteko.

4. Hiriko kaleen garbiketa eta kontserbazioa hobetzen jarraitzea.
5. Hiriko argiztapena hobetzen jarraitzea, argiztapen murritzeko inguruneei, auzoetako merkataritza esparruei eta hiriko eraikin eta plazetako argiztapen apaingarriari arreta berezia emanez.
6. Espazio publikoaren okupazioei buruzko arauak betetzen direla egiaztatzeko kontrolak areagotzea, aldi bateko okupazioetan (aldamioak, obrak, ekitaldiak) zein iraunkorretan (terrazak).

6.3 - JASANGARRITASUNA, INGURUMENA ETA BERDEGUNEAK

HELBURUA: Hiri-eredu jasangarriagoaren garapenean aurrera egiten jarraitzea, energiaren eta uraren kontsumoa zein hiri-hondakinak murriztuz, eta Eraztun Berdea indartzen eta herritarrak jasangarritasunaren balioan hezten jarraitzea.

NEURRIAK

1. Jasangarritasunaren eta energia-eraginkortasunaren irizpideak txertatzea eremu bakoitzari dagokion baldintza fotometrikoak zehaztuz, behar dena baino ez argiztatzeko, eta ahalik eta modurik eraginkorrenean.
2. Telekudeaketa-elementu berriak instalatzea, IoT (Internet of the Things) teknologia ezartzeko oinarrizko azpiegituretat, teknologia berriek gure hiriko jasangarritasuna hobetzeko eskaintzen duten potentzial osoa aprobetxatzeko asmoz.
3. Berdeguneen Ordenantza eguneratzea.
4. Parkeak Dinamizatzeko Plana garatzen jarraitzea, berdegune horietan ditugun azpiegituren hobekuntzaren bitartez jarduera eta aukera berriak eskaintzeko asmoz.
5. Udalaren hiri-ortuak garatzen jarraitzea.
6. Pagasarriko natur ingurunea finkatu eta indartzea, Arraiz mendiaren ingurunea babesteko araudia horretara ere hedatuz eta inguruko baso eta zelaiak berreskuratzeko lanekin jarraituz.

7. Hiriko mendietan espezie autoktonoetako zuhaitzak landatzen jarraitzea, espezie aloktonoetakoak kentzen edo kontrolatzen diren bitartean.
8. Bilboko Zuhaitzen Mapa eta Basoa Kudeatzeko Plana lantzea.
9. Mendia Bilboko ikasleei hurbiltzea. Mendia ikasgela bihurtuta.
10. Naturan botatako zaborraren aurka borrokatzeko neurriak ezartzea.
11. Mendietan obretako hondakinak eta materialak uztearen aurkako borrokarekin jarraitzea.
12. GR228 homologazioa berritzea (trazadura berria Enekuri-Artxanda eta Buia eremuetan).
13. Suteak prebenitzeko lanak areagotzea, horretarako behar diren baliabide guztiak erabiliz.
14. Peñascaleko harrobiak natura-eremu horren zainketaren errespetuan oinarrituta izan ditzakeen balizko aisialdi-erabilerak aztertzea.
15. Energia-eranginkortasunari eusten dioten eraikuntza eta zaharberritze jasangarriak sustatzea.
16. Isurpenak murriztu eta Hiriko airearen kalitate handia bermatzea xede duten ekimen berriak garatzea.
17. Hondakinen Ordenantza onartzea, ekonomia zirkularrerako hondakin eta lurzoru kutsatuei buruzko apirilaren 8ko 7/2022 Legea betez.
18. Bilboko hondakinen ekoizle handiei eta hiriko merkataritza-ardatz nagusiei zuzendutako gaikako bilketak diseinatzea, batez ere papera eta kartoia, materia organikoa, beira eta ontziak birziklatzeko.
19. Hondakinen Plana sustatzea eta inplementatzea "akitaldi garbiak" lortzeko, Bilboko ekitaldi handiak kudeatzeko udal politikaren bereizgarritzat.
20. Birziklapena sustatzeko eta horren garrantziaz kontzientziatzeko ekintzak garatzea, ostalaritza, jatetxe eta catering sektoreetako hondakinen kudeaketari arreta berezia emanez.
21. "Bilbo hobetuz" app-a sustatzen jarraitzea.

22. Herritarrek intentsitate handiz erabiltzen dituzten baso-parkeetan, batez ere Arraizen, baina baita Pagasarrin eta Arnotegin ere, solte dauden abereen presentzia murrizteko jarduerak ezartzea.
23. Hirian energia berriztagarriak garatzearen aldeko apustu integrala. Hirian energia berriztagarriko sorkuntza-sistemen eta eraikinetan birkarga elektrikorako guneen instalazioa sustatu eta erraztea. Instalazio berriztagarri berriak udal eraikin eta ekipamenduetan. Tokiko Energia Komunitateak bultzatzea.
24. Kanpoko argiteria-instalazioen auditoretza energetikoa egitea.
25. Hiriko argiteriaren berrikuntza areagotzea, teknologia berri eraginkorrago eta jasangarriagoen alde apustu eginez.
26. Argiteria Zerbitzuaren Agiria lantzea.
27. Argiztapen apaingarriari buruzko plan espezifiko lantzea.
28. Arro hidraulikoak naturalizatzea Bilbao Bizkaia Ur Partzuergoaren lankidetzaz, euri-uren kudeaketari ikuspegi berri batetik helduz, alderdi hidrológicoak, ingurumenekoak eta sozialak drainatze jasangarriko hiri-sistemen erabilerarekin konbinatuz, euri handiko egoeretan saneamendu-sare metropolitarrak jasan beharreko karga murrizteko asmoz.